

AKT THEMELIMI
DHE
STATUTI I SHOQËRISË
EL SHISHA ALBANIA SHPK

Sot më 09.07.2021 unë, i nënshkruari Justin Gjini, shtetas Shqiptar, lindur më 02.04.1998, në Tirane, mbajtës i pasaportës me nr. BR1566150 nëpërmjet këtij akti themeloj një shoqëri me përgjegjësi të kufizuar në përputhje me legjislacionin në fuqi në Republikën e Shqipërisë.

Neni 1

Emërtimi

Shoqëria emërtohet EL SHISHA ALBANIA **Shpk** (në vijim referuar si "**Shoqëria**").

Neni 2

Forma Juridike

EL SHISHA ALBANIA Shpk është një shoqëri me përgjegjësi të kufizuar, e themeluar dhe organizuar në përputhje me dispozitat e ligjit nr. 9901, datë 14.04.2008 "Për tregtarët dhe Shoqëritë Tregtare, të ndryshuar dhe në përputhje me këtë akt.

Neni 3

Selia

- 3.1. Selia e Shoqërisë do të jetë në adresën: *Bulevardi "Dëshmoret e Kombit", Kullat Binjake, Kati II, Tiranë.*
- 3.2. Administratori/ët mund të hapë/in dhe/ose mbyllë/in degë dhe/ose zyra përfaqësimi, brenda ose jashtë territorit të Republikës së Shqipërisë.

Neni 4

Kohëzgjatja

- 4.1. Shoqëria ushtron aktivitetin e saj për një afat të pacaktuar, duke filluar nga data e regjistrimit të saj në Regjistrin Tregtar, të mbajtur nga Qendra Kombëtare e Biznesit.
- 4.2. Prishja dhe likuidimi i Shoqërisë do të përcaktohen me vendim të Ortakut të Vetëm, në përputhje me dispozitat e këtij Statuti dhe legjislacionit në fuqi.



Neni 5

Objekti i Veprimtarisë

5.1. Objekti i veprimtarisë së Shoqërisë do të jetë si vijon:

- a. Shitblerja e produkteve "SHISHA" pranë konsumatorëve finalë dhe tregtarëve të tjerë;
- b. Reklamimi i produkteve sipas pikës "a" më sipër.

Në përputhje me legjislacionin shqiptar, në mënyrë që të realizohet objekti i mësipërm i veprimtarisë, Shoqëria mund të kryejë:

- (i) çdo transaksion lidhur me prona të luajtshme dhe të paluajtshme;
- (ii) çdo aktivitet tregtar, financiar, dhënie me qira, hipotekor.

- 5.2. Shoqëria, me qëllimin për të investuar në kapital, mund të ketë interesa dhe marrë pjesë në shoqëri të tjera, konsortiume etj., që kanë objekte veprimtarie të çdo lloji, të ngjashme me objektin e veprimtarisë së saj.
- 5.3. Pavarësisht sa më sipër, Shoqëria mund të kryejë çdo aktivitet të nevojshëm apo të dobishëm të lejuar nga ligji për realizimin e objektit të saj të veprimtarisë.

Neni 6

Kapitali

6.1. Kapitali i Shoqërisë është ALL 100,000

6.2. Kapitali i Shoqërisë përbëhet nga 1 (një) kuotë, me vlerën nominale prej ALL 100,000 sipas nenit 7.

Neni 7

Ortaku i Vetëm

Ortaku i Vetëm i Shoqërisë është:

- **Justin Gjini, shtetas Shqiptar, lindur më 02.04.1998, në Tirane, mbajtës i pasaportës me nr. BR1566150, zotërues i 1 (një) kuote që i korrespondon 100% të kapitalit themeltar në shumën prej ALL 100.000**



Neni 8

Zmadhimi dhe Zvogëlimi i Kapitalit

- 8.1.** Kapitali i Shoqërisë mund të zmadhohet në çdo kohë, në përputhje me legjislacionin në fuqi, me vendim të Ortakut të Vetëm.
- 8.2.** Shoqëria në çdo kohë mund të zvogëlojë kapitalin me vendim të Ortakut të Vetëm. Në çdo rast, kapitali nuk mund të zvogëlohet nën minimumin e 100 (njëqind) lekë, që është minimumi i vlerës së kërkuar nga ligji.

Neni 9

Transferimi i Kuotës

Ortaku i Vetëm mund të vendosë në çdo kohë për pjesëtimin dhe transferimin e kuotës përmes shitjes, dhurimit, apo ndonjë mënyre tjetër të parashikuar nga legjislacioni në fuqi.

Neni 10

Vendimmarrja

- 10.1.** Organi më i lartë vendimmarrës i Shoqërisë është Ortaku i Vetëm.
- 10.2.** Ortaku i Vetëm është përgjegjës, ndër të tjera, për vendime në lidhje me çështjet e mëposhtme:
 - i. përcaktimin e politikave të biznesit të Shoqërisë;
 - ii. ndryshimin, modifikimin, plotësimin e statutit;
 - iii. emërimin dhe shkarkimin e administratorëve, vendosjen dhe ndarjen e kompetencave të tyre, si dhe shpërblimin përkatës;
 - iv. zmadhimin dhe/ose zvogëlimin e kapitalit;
 - v. transferimin e kuotave;
 - vi. shpërndarjen e fitimeve;
 - vii. riorganizimin, prishjen dhe/ose likuidimin e Shoqërisë; dhe
 - viii. çdo çështje tjetër të parashikuar nga legjislacioni i zbatueshëm dhe ky Statut.

Neni 11

Regjistri i Vendimeve

- 11.1.** Të gjitha vendimet e marra nga Ortaku i Vetëm regjistrohen në Regjistrin e Vendimeve, të dhënat e të cilit nuk mund të ndryshohen ose të fshihen. Duhet të regjistrohen në veçanti, vendimet e mëposhtme:



- i. miratimi i pasqyrave financiare dhe të raporteve të ecuresë së veprimtarisë;
 - ii. shpërndarja e fitimeve dhe humbjeve;
 - iii. zmadhimi ose zvogëlimi i kapitalit themeltar;
 - iv. vendime në lidhje me investimet;
 - v. riorganizimi dhe prishja e Shoqërisë.
- 11.2. Lista e mësipërme nuk është shteruese. Dhe vendimet të cilat nuk regjistrohen në Regjistrin e Vendimeve, do të konsiderohen të pavlefshme.

Neni 12

Administrimi

- 12.1. Shoqëria mund të administrohet nga një apo disa administratorë.
- 12.2. Administratorët e parë të Shoqërisë janë:
- **Z. Justin Gjini, shtetas Shqiptar, lindur më 02.04.1998, në Tirne, mbajtës i pasaportës me nr. BR1566150**
- 12.3. Administratori/ët do të emërohen me vendim të Ortakut të Vetëm dhe mund të shkarkohen në çdo kohë me një vendim të njëjtë.
- 12.4. Kompetencat specifike të secilit Administrator do të vendosen me vendim të Ortakut të Vetëm dhe mund të ndryshohen në të njëjtën mënyrë.
- 12.5. Administratorët janë persona fizikë, pa ndonjë kufizim në lidhje me shtetësinë. Kohëzgjatja e mandatit të Administratorit/ëve do të vendoset në momentin e emërimit, por në çdo rast nuk mund të tejkalojë afatin 5 (pesë) vjeçar. Pavarësisht këtij kufizimi, kohëzgjatja e mandatit të administratorit mund të ripërtërihet me anë të vendimit të Ortakut të Vetëm.

Neni 13

Kompetencat e Administratorit

- 13.1. Administratorët janë përgjegjës për administrimin e Shoqërisë dhe përfaqësojnë Shoqërinë me palët e treta, në përputhje me dispozitat e këtij Statuti dhe legjislacionin e zbatueshëm.
- 13.2. Kompetencat dhe detyrat e administratorit në lidhje me administrimin dhe mbikëqyrjen e aktivitetit të Shoqërisë përfshijnë, por nuk do të kufizohen në:
- i. zbatimin e politikave të biznesit të Shoqërisë dhe vendimet e Ortakut të Vetëm;
 - ii. sigurimin e përputhshmërisë me legjislacionin dhe standardet e kontabilitetit nga Shoqëria;
 - iii. kryerjen e të gjitha veprimeve lidhur me administrimin e veprimtarisë së Shoqërisë;
 - iv. sigurimin e mbajtjes së rregullt të dokumenteve financiare dhe kontabël të Shoqërisë;



- v. përfaqësimin e Shoqërisë me palët e treta;
 - vi. kryerjen e të gjitha regjistrimeve dhe publikimeve të detyrueshme në lidhje me Shoqërinë, që kërkohen sipas legjislacionit në fuqi;
 - viii. kryerjen e detyrave të tjera të parashikuara në legjislacionin e zbatueshëm dhe në këtë Statut.
- 13.3. Administratori mund të ushtrojë të gjitha kompetencat dhe veprimet, me përjashtim të atyre që me ligj dhe nga ky Statut janë të rezervuara për Ortakun e Vetëm. Administratori duhet të marrë miratimin e shkruar të Ortakut të Vetëm të shoqërisë në mënyrë që të kryejë transaksione që krijojnë borxhe për shoqërinë.
- 13.4. Kompetencat e secilit Administrator mund të vendosen me vendim të Ortakut të Vetëm dhe mund të modifikohen në të njëjtën mënyrë.
- 13.5. Administratorët mund të delegojë një pjesë ose të gjitha kompetencat e tij tek persona të tjerë.

Neni 14

Audituesi ligjor

Nëse kërkohet me ligj ose miratohet nga Ortaku i Vetëm, kontrolli i pasqyrave financiare dhe të dhënave kontabël të Shoqërisë do t'u besohet një ose me shumë ekspertëve kontabël të autorizuar.

Neni 15

Viti Financiar dhe Pasqyrat Financiare

- 15.1. Viti ushtrimor fillon më 1 janar dhe mbaron më 31 dhjetor të çdo viti.
- 15.2. Viti i parë ushtrimor fillon në datën e regjistrimit të Shoqërisë në Regjistrin Tregtar dhe përfundon më 31 dhjetor 2021.
- 15.3. Pasqyrat financiare vjetore, inventari, raporti i Administratorit dhe audituesit ligjor të autorizuar, nëse ka një të tillë, miratohen nga Ortaku i Vetëm në përputhje me ligjin nr. 9901, datë 14.04.2008 "Për Tregtarët dhe Shoqëritë Tregtare", i ndryshuar.
- 15.4. Miratimi i dokumenteve lidhur me pasqyrat financiare do të kryhet çdo vit, brenda 6 (gjashtë) muajve nga përfundimi i vitit ushtrimor.

Neni 16

Prishja dhe Likuidimi i Shoqërisë

- 16.1. Ortaku i Vetëm mund të vendosë për prishjen e Shoqërisë. Prishja e Shoqërisë do të shoqërohet me procedurën e likuidimit të saj.
- 16.2. Ortaku i Vetëm emëron një ose më shumë likuidues, duke përcaktuar tagrat e tyre në përputhje me



- 16.3. Shoqëria vazhdon të ekzistojë si person juridik për nevoja të likuidimit deri në përfundim të këtij procesi. Gjate kësaj procedure, togfjalëshi “*në likuidim e sipër*” duhet të vihet pas emrit të Shoqërisë.

Neni 17

Ligji i Zbatueshëm dhe Zgjidhja e Mosmarrëveshjeve

- 17.1. Ky akt bazohet në legjislacionin shqiptar dhe interpretimi, vlefshmëria dhe zbatimi i tij, duhet të kryhen në përputhje me dispozitat e legjislacionit shqiptar.

Dispozitat e ligjit nr. 9901, datë 14.04.2008 “Për Tregtarët dhe Shoqëritë Tregtare”, i ndryshuar do të zbatohet për çështjet që nuk rregullohen nga ky dokument.

- 17.2. Mosmarrëveshjet që mund të lindin në lidhje me interpretimin dhe zbatimin e këtij akti do të zgjidhen nga Gjykata e Rrethit Gjyqësor të Tiranës.

Ky Statut përpilohet në 2 (dy) kopje në gjuhën shqipe.

JUSTIN GJINI

ORTAK I VETEM

Justin Gjini



VENDIM

Sot më 08.07.2021, në, i nënshkruari Justin Gjini, shtetas Shqiptar, lindur më 02.04.1998, në Tirane, mbajtës i pasaportës me nr. BR1566150

VENDOS:

Të themeloj një shoqëri me përgjegjësi të kufizuar në Republikën e Shqipërisë ku unë do të zotëroj 100% të kuotave.

- Shoqëria do të emërtohet EL SHISHA ALBANIA Shpk;
- Selia e Shoqërisë do të jetë në adresën: “Bulevardi Deshmoret e Kombit, Kullat Binjake, Kati II, Tirane”;
- Administratori i parë i EL SHISHA ALBANIA Shpk do të jetë:
Z./Znj. Justin Gjini, shtetas Shqiptar, lindur më 02.04.1998, në Tirane, mbajtës i pasaportës me nr. BR1566150;
- Kapitali themeltar i EL SHISHA ALBANIA Shpk do të ketë një vlerë prej 100,000 Lekë;
- Objekti i veprimtarisë së EL SHISHA ALBANIA Shpk do të jetë ai i përcaktuar në Statutin bashkangjitur këtij vendimi dhe pjesë integrale e tij.

JUSTIN GJINI

ORTAK I VETEM

Justin Gjini

